

From: Venus Yeung
To: sc_subleg@legco.gov.hk

立法會CB(2)815/12-13(08)號文件
LC Paper No. CB(2)815/12-13(08)

Date: Saturday, 16 March, 2013 08:55AM
Subject: 給《2013年進出口(一般)(修訂)規例》小組委員會的意見

Dear Sirs/madams,

我兒子現在3歲10個月。

我們在他未足一歲時已經親歷過買不到奶粉時的徬徨及氣憤，從我兒子出世到現在，期間因為奶粉嚴重缺貨而引致轉奶粉共4次，對我兒子公平嗎？

我們兩公婆加亞仔都係土生土長100%香港人，理應自豪，但竟然唔能夠得到香港政府嘅幫助同保護，是放棄我們嗎？

兩年幾前我們感受過轉奶粉嘅不便同不安，更希望唔好再成日發生在其他媽咪或家庭身上。

我仔由出世兩個月開始食羊奶粉，但因為唔係太多地方買到，為方便約5~6個月大時我們試轉明治細仔奶粉啱啱食到9個月大時需要轉明治大仔奶粉，食咗唔夠個半月因為奶粉比大陸人掃貨，很多時都買不到，我們唯有一箱箱訂，希望亞仔唔會無奶粉，但原來一箱箱訂都斷貨，原因是需要由日本送貨又要等，我們唯有再幫亞仔轉A+，點知食到亞仔15個月時真係捱唔住，唔係因為隻奶粉同個仔唔夾，而係我地無咁多時間去元朗、天水圍同人地搶。有一晚去元朗行了5、6間藥房都話無奶粉，但見佢地又賣比其他人，因為我們祇買2~3罐而唔賣比我地？但果d幫人買貨帶貨嘅就一箱箱留起比佢地，去到天水圍嘅商場又係咁，最徬徨一晚係已經搵咗幾晚都買唔到嘅A+奶粉，果晚得番1/3罐奶食多2~3次就無奶粉，我們唯有買咗雅培食到而家，但你們有無考慮過一個bb或1~2歲小孩要轉用新奶粉唔係話轉就轉，要起碼有5~7日轉奶粉適應期，1/3罐奶粉根本唔夠時間轉或比亞仔去適應，但我們都寧願冒險一試，因為祇有我們做父母才能救自己子女。

可能你們覺得我講嘅事實唔重要，但我無見過政府唔理自己嘅市民反而助長問題持續，無奶粉時我心徬徨到喊、徬徨到食唔落食，你們又豈能感受得到？

如果我地香港媽咪個個都有能力做全人奶媽有邊個唔想，BB又可以健康一點，但事實上奶粉對bb係一樣不可缺少嘅食物。

Please do some miracles to all the HK mummies and let them live in the ease city. My younger sister has had just given birth her 2nd baby early this morning, since then we truly appreciate if all such problems can be solved urgently, she also has a daughter at 16mths n with a new born baby, can you imagine how hard could be if she can't get any proper baby formula to 2 babies? I'm not joking, she will easy to get postpartum depression and will also straight impact the 2 babies.

SAVE HONG KONG'S MUMMIES.

Thanks and regards,
Venus